



Vita de ploania y de paisc

- **Pilora da Pasca 2026:** le messaje dla pilora, con le retrat dal confarun blanch, é en envit a ester „**Amisc y porchel testimoni**“ de Gejú. Al é l'envit che papa Leo XIV ti dá dandadöt ai jogh mo co val por düc deache „*Vignönn é por el (Gejú) en “discepul bunorü” y da cösc amur nascel la ligreza por la testimonianza.*
- **Schira Jonila: i recordun l'aziun dla Schira Jonila „Kleine Taten – großer Frieden“**, co partiará fora en domegna ai 22 de merz do la gran messa peres depontes con simbols y parores de pêsc. Ares des ester en picio envit da se fá ponsiers sora la emportanza da vire la pêsc y da la dé ennant.
- **Unité Pastoral: por la dljia da Oies** él le debojügn che al sii vigne 15 de n picio grup de 3 o 4 porsones co vá a **puzenê la dljia**. Al ven perie che vigne ploania dla valada feji empara: a **La Pli** ti tocassera da jí sô la prôma y terza edema d'agost, poscibilmonter le vendres. Al ven porchel perie che 3 - 4 porsones se meti a disposiziun por chi dui iadi y se lasci adentene pa Heidi de Gogn.



Enformaziuns y termins

Iade por sanc: la „Pilgergemeinschaft“ de Südtirol organiseia la **sabeda, ai 11 d'aorí** la „**Sternwallfahrt**“ (desdita l'ann passé) da deplü posc de Südtirol por roé düc adöm a Balsan, olache al sará dales 16:00 na messa con le Vesco.

Por la Val Badia vegnel fat ensciö: i s'encuntun ales 7:30 a Longega por jí con la coriera a La Pli, olache al sará na picia funziun te dljia. I jun a pe cina a Sares y spo ennant cina a San Laronz, a tó la ferata por Balsan. Do messa gnunse endô zoruch con la ferata y coriera cina a Longega. Por enformaziuns: Annamaria Fiung, ☎ 347 5277810

„**Ins Kloser gehen**“: sön iniziativa dl'Uniun dles Eres da Balsan él gnü scrit en liber sora la spiritualité y la vita dles mognans tal convont de Jenn co é stades enló 335 agn cina al 2021. Le liber dl'auturia Ingrid Facchinelli á ennom „Ins Kloser gehen“ y dá na odlada do i mürs dal convont con de bele ilustraziuns y de bi ponsiers. Al é da ciaté tl'Athesia al prisc de 25 €.

Ester geniturs – löm y ambria; ensciö desche i sun, vára bun y canche i mo stonti, mo chiri aiüt. Cösc é le slogan dal sorvisc de Sosten bunorí por families. Al é n sorvisc por düc i geniturs co ven docá, geniturs susc y families con mituns danter 0 y 3 agn, co è te situaziuns de desfida. Nüsc esperc dal ciamp sanitar y sozial dá conseis aladô dles ieranzas y ciafa deboriada soluziuns adeguades. Le sorvisc é debann, confidenzial y volotar. Por plü enformaziuns podeise telefoné a ☎ 333 6203945 o scrí na email a fruehe.hilfen@bzgpust.it Le sorvisc sará a desposiziun tl'alzada a tera dal raiun sozio-sanitar Val Badia te cötes dates: 23.3., 20.4., 18.5., 15.6., 27.7. y 17.08.2026.

Le dotur Eduard Agreiter é demez dai 23 ai 25 de merz (lönesc cina dedemesaledema da misdé) y ven sostituí dala doturia Grete Mähknecht, ☎ 349 0667034.

Döt le bun a:	Maria Gabriella Willeit Rindler	* 22.03.1933
	Maria Feichter Clara, <i>Antermeia</i>	* 26.03.1944
	Lois Craffonara	* 27.03.1940
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo, Roman Frontull
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ kisottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

22.03.2026 - Cuinta domegna de Carsema

n. 17

Dio dij de sciö ala vita

📖 Ez 37, 12b–14 | Rom 8, 8–11 | Jan 11, 1–45

Nos cherdun te Chel Bel Dio co é nosc Signur y co nes porta la salveza. Cösta salveza ne podunse endere nia se enmaginé zonna la diventa cuntra la mort. Belo tal liber de Ezéchiél nes vegnel assügheré che Chel Bel Dio, le Signur, daür les fosses con les parores: „I ves sofli ete mio Spirit y i gnareis endô vis” (1ª letöra). Empormó plü tert veiga san Paul te sôa letera ai Romans che Chel Bel Dio nes á cherdé con la ressureziun de Gejú nos düc ala vita. Al scrí: “Con le Spirit co vir te os fajará Chel Bel Dio en de gní ví osc corp mortal.” (2ª letöra). Tal vangelo nes vegnel spo cunté le miracul dla ressureziun de Lázarus co demostra la potenza de Dio co nes pó salvé dala mort eterna.
da “Bibia di Sandís”

Dal Vangelo do San Jan:

[...] ¹⁷Canche Gejú ea roé danló, ál ciaté Lázarus co ea belo cater dis te fossa. ¹⁸Betania ea dampró da lerúsalem, encer chinesc stadi daínciará. ¹⁹Trec iüdes ea gnüs da Marta y Maria a les consolé por so fre. ²⁰Canche Marta á aldí che Gejú ea tal gní, ti éra jüda adancuntra, mo Maria ea romagnüda te ciasa. ²¹Marta ti á dit a Gejú: Signur, sce te fosses sté atló, ne foss mio fre nia mort. ²²Mo ince sen sai: Döt, do ci che te preies Idio, él el co te dará. ²³Gejú ti á dit: To fre ressoriará. ²⁴Marta ti á dit: I sa ch'al ressoriará dala ressureziun l'ultimo de. ²⁵Gejú ti á respognü: lu sun la ressureziun y la vita. Chel co crei te me viará, ince sc'al mör, ²⁶y vignönn co vir y crei te me, ne moriará mai. Creieste tö cösc? ²⁷Marta ti á respognü: Sce, Signur, i creii che tö es le Messia, le Fi de Dio, co dess gní te cösc monn. [...] ⁴¹Spo á tut demez la pera. Mo Gejú á alzé sū edli y á dit: Pere, i te diji iolan, che te m'as ejaudí. ⁴²I sâ che tö m'ejaudescs dagnora, mo por la meja encer me ia l'ai dit, ciodich'ai dess creie che tö m'as mené. ⁴³Do ch'al á dit cösc, ál cherdé con usc sterscia: Lázarus, ví fora!



Lázarus, ví fora!
Jan 11, 43

📖 *Letôres dla festa dal ingres de Gejú a lerúsalem | Domegna dal orí:*
Mt 21, 1–11 | Is 50, 4–7 | Fil 2, 6–11 | Mt 26, 14 – 27, 66

Edema liturgica dai 22.03. ai 29.03.2026		
DOM 22.	Cuinta domegna de Carsema	<i>Lea, Elmar</i>
08:15	gran messa por dōta la ploania oferta por la ploania s.m. por † Fefa Ellemunter ved. Rigo y †† sorus y fredesc dal Pinter s.m. por † Linda Trebo y de rengraziamont de Egon y Silvia Trebo s.m. por † Maria Maneschg ved. Frontull y Hubert Frontull	
→ 19:00	Les staziuns con grups y uniuns	
Lön 23.	<i>Turibio Mongrovejo, Rebeca</i>	
→ 18:00	pissia por Pasca por la joneza, i ei y les eres → <i>sce al vá debojūgn gnarál ince pissié dertan y do messa</i>	
19:00	s.m. dla festa dl'Anunziaziun dal Signur s.m. de rengraziamont por la sanité s.m. d'aniversar por † Maria Rindler ved. Daverda, Corterei	
Ded 24.	<i>Elias, Oscar Romero, Caterina, Simon</i>	
<i>07:30</i>	s.m. a Antermeia	
Dem 25.	GRAN FESTA DL'ANUNZIAZIUN DAL SIGNUR , Annunziata	
Jöb 26.	<i>Larissa (Lara), Tecla</i>	
19:00	oraziun da Taizé	
Ven 27.	<i>Haimo, Augusta</i>	
<i>07:30</i>	s.m. a Al Plan	
Sab 28.	<i>Guntram, Adelheid</i>	
07:30	s.m. por la pêsc olá ch'al é veres s.m. en onú de Santa Maria	
<i>18:00</i>	s.m. prefestia a Al Plan	
DOM 29.	FESTA DAL INGRES DE GEJÚ A IERÚSALEM	<i>Helmut, Ludolf</i>
	domegna dal orí	
08:15 <i>ora da disté!</i>	benedisciun dal belorí jö da paiun, prozesciun te dlijia gran messa por dōta la ploania con la Pasciun do San Mateo s.m. dal ann por † Pire Konrater, Biei oferta por la ploania s.m. por †† Jan y Nane Rigo, Alnei s.m. por † Carlo Kehr, Tistler/Monza	
<i>10:00</i>	gran messa a Al Plan	
<i>ampola:</i>	por fam. Tone y Margareth Palfrader	
<i>ministronc:</i>	• lönesc y sabeda: Elias y Mark • domegna: Joel y David, Veronica y Valentina	
<i>i recordun:</i>	Carlo Kehr, Monza	† 23.03.2020
	Maria Rindler ved. Daverda	† 27.03.2022
	Emilia Feichter Pitscheider, <i>Badia</i>	† 27.03.2023
	Carolina Canins Valentini, <i>Badia</i>	† 28.03.2025



Demez con che pera! Al passa la vita! (Mt 5, 13–16)

I ponsi do

Cösta encuntada, co pö ince zonza speranza, ti dá a Gejú l'ocajun da tö demez l'ultima pera co ti stá te tru ala vita y al dagní: la mort.
Gejú é vita. Te cösta encuntada se realiseia la gran verité de Pasca: la mort é superada, chi co crei te el ne moriará nia plü. Eco la forza dla fede y le sostegn dla speranza.

I preii ensciö

“Toléde demez che pera!” Ai se fej demorveia che tö comanes cösc. “Lázarus é da trei dis te fossa y ne gnará sogü nia plü vi”. Mo töa usc sogüda y potente para demez vigne tema y trica. La pera ven spo tuta demez ch'al pói passé la Parora dal Fi de Dio. „Lázarus, ví fora de fossa!” L'amich co ea mort é endô vi! An le delibreia dales fascas, le corp pó s'armere, na vita nea por en cör co bat endô. Gejú salvatur, i te periun, no se lascé te nosta fossa, te chera dla fraidité y sarada pro da en cör de pera. Dásse vita a nos tû amisc che t'as orü con te por dagnora. Sbûrla da na pert chel gran podrun co ne lascia nia ete löm y ligreza. Dí entres a chel co bradla por la mort de so fré: “Chel co crei te me ne mör nia por dagnora, mo al ará la vita eterna.”

I comandamonc cuntés ai mituns (10)



8° comandamont: Te ne desses nia testimonié le falz cuntra to proscimo

Tla forma cörta dijunse: Te ne desses nia montí. Mo chel n'é nia tan saorí: I s'án desmoncé i compic y i s'enventun na bvertora. I rumpiun en bel boché y dijun che al sté le cian. I mangiun adascusc le toch te turta co ea por nosc fre y cancalé le stritunse jö. I viun con la baujia. Oje les cosses desche ares se bûta, enventé y trapolé: chel n'é pö döt nia tan „grave“. Da tec é chel co ne mont y nen aprofiteia nia. I montiun dant, ai atri y a nos enstesc.

L'onesté ten le plü dio

I adorun coraje por se delibré dla baujia: L'onesté é en vare adencuntra a na miú vita. Onesté pó orei dí che i dijun ci co é vei, ince sce al porta svantaji. I orun ester sonziers: i ne s'enforniun nia con les plömes de d'atri, mo i dun pro che i n'án nia enstesc fat le laur. I n'orun nia empormeter ci che i ne sun nia bogn da mantegní. I n'orun nia fá dant val', no a nos, no ai atri. Ester sonziers ó ince dí nia ester falc y romagne pa nosta minunga, ince sce ara ne ti plej nia ai atri. Sce i sun de parora y dijun la lereté, spo fajunse na vita co ti plej a Chelbeldio y co se fej bun a nos.



Bibia por mituns

domegna	letōra	Bibia por mituns
29.03.	Vangelo Pasciun	Lüca 19, 28–40 Mateo 26, 14 - 27, 66
		Osanna!, pl. 244 Gejú festejeia le past ..., pl. 251 - 263